

## Zaso na wuběrku pokazani

### Zwjazk planuje tuchwilo poł miliona eurow mjenje podpěry załožbje

Berlin/Budyšin (SN/at). Zwjazkowe knježerstwo je tónle tydzień naćisk etata za lěto 2016 parlamentej západalo. Zwjazkowy sejm je jón w přnim wuradźowanju wobjednał a džensa wuběrkej posrědkował. Z lužiskeho wida překwapja, zo planuje Zwjazk po dotal předležacych ličbach swój podžěl k financowanju Załožby za serbski lud porno minjenymaj lětomaj z 8,215 milionami eurow wo poł miliona eurow redukowac. Přenja reakcija z Berlina njeje dołho na so čakać dała. „Lěwica sej žada, skrótsjenja so wzdać. Nawopak, financowanje serbskeje załožby ma wobstajne być“, zdželi lužiska zapósťanča zwjazkowego sejma Caren Lay (Lěwica). Wona skedźbni na to, zo trjeba ja serbske institucije skutkowe a planujomne financowanje; město toho zo steja zas a zaso před eksistencnym prašenjom.

Społnomócnjeny zwjazkowego knježerstwa za narodne mjeńšiny a wysydlencow Hartmut Koschyk (CSU) bě Ser-

bow loni wo zrozumjenje prosył, zo je za etat 2015 hišće raz tróšku wobćežny puć přez budgetny wuběrku sejma trěbny, zo by podžěl Zwjazka serbskeje załožbje na 8,715 milionow eurow wěšty był. Potom pak ma w naćisku etata prawa ličba stać.

Zo steji w budgetnym naćisku zwjazkowego knježerstwa znowa stara suma, je po slowach serbskeje zapósťanče zwjazkowego sejma Marja Michałkowa (CDU) dołžene křižowanju dweju naležnosćow. Jednanja ze Swobodnym statom Sakskej a krajom Braniborskej wo nowym financowanskim zrěčenju za Załožbu za serbski lud hišće trajachu, hdyž dyrbeše knježerstwo w meji džělo na naćisku etata zakónčić. Noweje sumy njebě, tak su z wida knježerstwa zaso dotalnu, nišu zapisali, kotruž móžeš samo w interneće nańć. Marja Michałkowa nima to „za politisku, ale skerje za technisku naležnosć“. Jej je znate, zo zwjazkowe ministerstwo nutrkowneho za 2016 wyšu při-

ražku planuje. „Zakład za nowe financowanske zrěčenje za załožbu je tuž daty.“

Po lońšim wobzamknenju lětušeho etata ma přisłušne ministerstwo budgetnemu wuběrkej wo jednanjach za nowe financowanske zrěčenje serbskeje załožbje rozprawjeć. „Tale rozprawa je hotowa a budže přichodny tydzień wuběrkej předležec“, praji zapósťanča.

Na zakładze rozprawy zwyżi so potom suma w naćisku etata wo poł miliona na 8,715 mio. eurow. Tutu kaž dalje změny zhonja w budgetnym wuběrku z tak mjenowaných sprecizowaných naćiskow knježerstwa za kóždy ressort. Na tymle zakładze parlament jedna. „Wězo dyrbja wuběrkwownicy tomu přihłosować“, Marja Michałkowa potwjerđa, Wona pak je přeswědčena, zo tomu tak budže.

Předsyda rady Załožby za serbski lud Jan Budar wobžaruje, zo njebě w přnim naćisku hižo prawa suma zapisana, „to by jednorišo bylo“.

mjez druhim dawkowe dochody z dobytrow brónjenskeje industrije, zo bychy naš čětro wysoki žiwjenski standard financowali.

Tak mět so tymle statam tež nabřmjenić hłowny džěl wudawkow za zastaranje čekancow. Najskeje dožiwjamy nětko hakle spočatki wupućowanja pomocy potřebnych syłow ludži.

Wjace hač 70 procentow w lěće 2011 z Europy wuwožowaných bróni pochadže z Němskeje, Wulkeje Britanskeje, Francoskeje a Italskeje. W běhu lěta 2015 pak su tele staty dotal cyłkownje mjenje hač 60 procentow wšitkich čekancow přiwzali. Zdžela tež tohodla wobaraja so wosebje kraje EU, kotraž nimaja žadyn abo jeno snadny podžěl na wójnach, nuzy a katastrofalnych poměrach w domiznje čekancow, přeciwo „sprawnym“ wotmyslam prezidenta Europskeho parlamenta Schulza.

A hišće dodawk: We wuslědku wšeho, štož tuchwilo globalnje dožiwjamy; změni so wězo – znajmjeńša srjedzodobnje – tež etniska zestawa wobydlerstwa našeje serbskeje domizny – toho mamy sej wědomi być. Wšako je sej Budyski krajnoradny zarjad wot wšitkich gmejnow, tež dwurěčneho teritorija, žadał pomjenować objekty, hdžež hodželi so čekancy zaměstnić.